

湖湘

「明」江盈科 纂 黄仁生 辑校

江盈科集

二

湖湘文库编辑出版委员会 岳麓书社

文库

I214.82  
J489

湖湘文库编辑出版委员会  
岳麓书社

# 江盈科集

二

〔明〕江盈科 纂  
黄仁生 辑校



湖湘文库  
甲编

I214.82  
J489

图书在版编目(CIP)数据

江盈科集:增订本/(明)江盈科纂;黄仁生辑校.—长沙:岳麓书社,  
2008

ISBN 978-7-80761-094-6

I. 江… II. ①江…②黄… III. 古典文学—作品集—中国—明代  
IV. I214.82

中国版本图书馆 CIP 数据核字(2008)第 164456 号



湖湘文库

湖湘文库编辑出版委员会

## 江盈科集

著 者 [明]江盈科

点 校 者 黄仁生

责任编辑 夏剑钦

整体设计 郭天民

出版发行 岳麓书社

地 址 湖南省长沙市爱民路 47 号

电 话 0731—8885616(邮购)

邮 编 410006

网 址 [www.yueluhistory.com](http://www.yueluhistory.com)

印 刷 长沙化勘印刷有限公司

装 订 长沙化勘印刷有限公司

版 次 2008 年 12 月第 1 版第 1 次印刷

开 本 960×640 1/16

印 张 69.75

字 数 809 千字

书 号 ISBN978-7-80761-094-6/G·673

定 价 182.00 元

ISBN 978-7-80761-094-6



9 787807 610946 >

# 雪涛诗文辑佚

新韓文書

# 雪涛诗文辑佚卷一

## 诗歌

## 乐府

### 路傍地谣

路傍地，往来车马纷如织。官路被泥陷，遂取地值。一年亏一丈，十年亩淤遂。梁麦不生饥可忍，累岁赔粮无数计。人家积金高如天，路傍有地慎莫置。

（据光绪《桃源县志》卷十五）

### 常武谣赠马太守

三年美政玉无瑕，赢得青天万口夸。筐筥不曾施锁钥，萧条行李似僧家。

通籍于今三十年，家无二顷洛阳田。苦情常恐天知道，不敢焚香夜告天。

退食翛然物外身，朱帘放下远红尘。夜深白鹤池头立，明月清风是故人。

年来胥吏忍枯肠，那得谋生足稻粱？此辈缘何饥欲死？郡衙冷似九秋霜。

### 常武谣赠陈司理

小队行春众不讳，青袍皂盖映溪花。明威父子都清白，□□金鱼旧世家。

公馀退事景萧然，红饭青蔬淡可怜。莫怪官厨如冷水，府君不受半文钱。

### 荣藩宫词<sup>①</sup>

君王坐镇楚西南，俗美民淳事事闲。消受清平无限福，仙桃春色比朱颜。

殿中丝竹彻青云，乐谱新裁曲不群。岂为娱情兼侑食？梁园

①光绪《桃源县志》卷十七也收《荣藩宫词》四首，但前三首文字有异，第四首则完全不同，且题下和诗末皆有注，特照录如下：

荣藩宫词四首弘治中，宪宗十三子祐枢封国吾郡，其府在郡城西北。

河间又见楚西南，礼乐熏陶上下闲。绮陌劝农幡盖去，仙桃春色比朱颜。清腾丝竹彻重云，乐府新声雅不群。昨说人来丛桂下，淮南燕客正论文。茂树深宫日月徐，春归好鸟奏笙竽。罟罟眼里檀烟袅，又是君王阅道书。内苑龙舟偶一游，鳧鷖鸂鶒狎清流。钓丝牵得鲜鲜鲤，斫脍从新进酒筹。

《仙人邑里集》注：“右诗皆讽谕之词。首二章颂以河间兴礼乐、淮南论文，反言以愧之也。后二章阅道书、进酒筹，明其不务政事，但侈游燕，正言以悟之也。惟意本剗切，音近和平，令人见为美而忘其刺，读者不可不察。”

召客日论文。

长乐宫中岁不如，枝头好鸟奏笙竽。果臝眼里檀烟袅，知是君王阅道书。

琼花瑶草绕檐阿，玉辇经行乐事多。宫监昼长无一事，锁窗调鹤喂鹦哥。

（以上据嘉庆《常德文征》卷十九）

## 五言律诗

521

### 娄江寺志感

尽日山中坐，尘心顿一清。有身终是累，无发可逃名。拟撇陶潜绶，来寻慧远盟。蒲团与贝叶，端足了余生。

（据明崇祯间汪砢玉编刊本《珊瑚网》卷十三）

### 再憩飞云岩

邮亭依梵刹，古壑傍人烟。泉滴浑疑雨，崖浮不碍天。藓深埋旧刻，藤老长新颠。车马重来日，登临忆往年。

### 华严洞寺

一壑藏幽境，羣山绕梵宫。鸟窥僧灶饭，猿挂洞门松。石溜晴疑雨，炉烟午扬风。尘踪怜碌碌，小憩且从容。

（以上据乾隆《贵州通志》卷四十五）

## 七言律诗

### 黔中杂诗

群峰莽互插天遥，旅魄都从一望销。蛮语兼传红狻猊，土风渐入紫姜苗。耕山到处皆凭火，出户无人不佩刀。一自播兵蹂躏后，几家茅屋入萧条。

522

何处关山是尽期，马蹄终日历嵌崎。村墟寂寂寒烟火，野镇萧萧闪戍旗。天断不闻阳雁过，云深只有岭猿知。我期汉吏宽文网，莫把繁文缚属夷。

地险人稀物态凉，萧疏羸马与牂羊。彩绳贯贝苗姬饰，蛮锦裁衣卫士装。绝壁烧痕随雨绿，隔年禾穗入春香。民间蓄积看如此，那得公家咏积仓。

一山如戟一如环，列嶂层层杳莫攀。风雨岂无魑魅啸，月明应有鹤笙还。花苗所在营三窟，草檄谁人谕百蛮。见说赤丸时报警，天涯壮士尽凋颜。

### 黔阳署中杂咏

天涯高阁几回凭，林卧终然愧季鹰。水碓似人春觉缓，石床如雪冷难胜。鼠窥篱下初抽笋，猿挂岩前欲断藤。环视四山饶爽气，倩谁拄杖与同登。

徙倚空亭石磴斜，晚风容易扫残霞。蚁封土润沾新雨，燕嘴泥香带落花。病后检方亲晒药，睡馀淪鼎自烹茶。年光怕说如流水，几度春归未到家。

(以上据乾隆《贵州通志》卷四十五)

### 送琉球册使

海天晴日浩茫茫，箫鼓中流送画樯。玉节光涵璇极色，锦袍春动汉宫香。一帆风稳群龙护，万顷波恬百怪降。莫向君平问消息，使星闪闪照扶桑。

### 书思<sup>①</sup>

万里滇云寄一官，天涯归路正漫漫。荒烟远浦迷春色，细雨孤城酿<sup>②</sup>暮寒。乡思隔年<sup>③</sup>频入梦，客愁向晚<sup>④</sup>只凭栏。可怜寂寞谁相对？细把梅花独自看。

邓川杨学博<sup>⑤</sup>武陵人，贫老不能归。

双鬓萧疏半已残，滇南万里寄微官。乞休未去愁年老，刻意求归怯路艰。邸舍蒙茸秋草满，客厨冷淡午烟寒。宣尼曾动居夷叹，留滞期君好自宽。

①光绪《桃源县志》卷十六题作“春思”。

②“酿”，《桃源县志》作“长”。

③“乡思隔年”，《桃源县志》作“故国山川”。

④“客愁向晚”，《桃源县志》作“离人早晚”。

⑤光绪《桃源县志》卷十六也录此诗，题同，但正文颇有差异，照录如下：

“双鬓萧疏半已残，滇云万里繫微官。老来差似无家别，归去其如行路难。客舍蒙茸秋草碧，宾厨冷淡午烟寒。宣尼曾有居夷志，饮啄期君且自宽。”

## 审录回朝<sup>①</sup>

手持黄纸过天涯，报命还朝道路赊。度蚁心能如大宋，放麀慈欲比西巴。于门敢望三公应，汤网还虞一面遮。更冀君恩垂雨露，逐臣多少望京华。

## 大理道中观刈

十月晴干好刈禾，村村赛社鼓声多。稻孙脚下留蚕豆，部子堆中托鼠窠。腴土牛羊腴息满，丰年儿女语声和。天涯且自偕民乐，浊酒卿斟一放歌。

## 薇省颁历驿使赠梅感赋<sup>②</sup>

征途役役老风烟，肠断《毛诗·采芣》篇。历日偶从天上至，梅花并向陇头传<sup>③</sup>。清香扑鼻宜三嗅，华发催人又一年。暂报君恩凭马齿，自伤无力可回天。

## 有诏册立东宫兼拜两相恭纪<sup>④</sup>

万历二十九年十月立皇太子，以沈鲤、朱赓为东阁大学士。

九庙精灵牖圣衷，士民鼓舞万方同。安储不待商山皓，卜相

①光绪《桃源县志》卷十六也录此诗，题同，但正文颇有差异，照录如下：

“手持黄纸过天涯，归国还惊道路赊。六诏生灵通咫尺，古黔瘴雨梦咨嗟。于门敢冀三公应，汤网无虞一面遮。更乞君恩垂雨露，逐臣多少望京华。”

②光绪《桃源县志》卷十六题作“薇省颁历感赋”。

③《桃源县志》于“梅花并向陇头传”句下有“自注：时有驿使赠梅”八小字。

④光绪《桃源县志》卷十六也录此诗，题同，但全诗文字颇有差异，照录如下：“九庙精灵陟降中，丝纶新焕鬯皇风。安储羽翼商山皓，卜相飞腾渭水熊。旷代夔龙游紫极，重霄日月丽青宫。会看有诏停征采，喜极嵩呼远近同。”

兼腾渭水熊。快睹夔龙游紫极，重开日月丽青宫。若还有诏停征采，四表齐登寿域中。

### 送邓翠屏学宪转官之楚

阳关杯酒送行时，折得梅花寄别思。鹦渚鹤楼新驻节，碧鸡金马旧题诗。芷兰到处迎丹旆，桃李千门忆绛帷。嘯后仙风生两腋，不妨铁笛倚云吹。

### 向观察赞字冯司徒厚庵邀饮家园

深院沉沉锁曲栏，相将尊酒一开颜。春光正月如三月，园景山间更水间。柳眼烟中全妩媚，花须雨后半阑珊。莫疑丘壑淹高驾，尘世几人如此闲？

### 通海值家君七十二诞辰<sup>①</sup>

望乡终日眼双悬，不觉东风到客边。堂上慈亲年八九，天涯游子路三千。鸰原畅好披斑采，鸠杖遥知倚画筵。顾把南山比眉寿，颜童鬓鹤岁翩翩。

①光緒《桃源縣志》卷十六也錄此詩，題作“通海值家君誕辰七十二”，且全詩文字頗有差異，照錄如下：“望鄉終日眼雙懸，又遣東風到客邊。堂上老親年八九，天涯游子路三千。幸無堪鮓驚遲暮，當有蒸豚佐几筵。諸弟彩衣稱觥后，念子感否《北山篇》。”

## 送张吉甫荆州恩贡<sup>①</sup>

武陵人自爱山川，流水桃花任岁年。宝册乍崇尧母号，诏书新起伏生贤。章华台畔初题赋，王粲楼前一繫船。圣主已开三殿待，更应骑马去朝天。

## 顾四尹邀同何大令雨集荣国庄园

凤箫鼙鼓间笙簧，红烛高烧列两行。梁苑熏风堪借客，楚天凉雨足飞觞。蒲葵渐逼端阳候，兰芷偏饶大国香。骑马归来酣醉后，隔江渔火起沧浪。

526

## 简王小虞给谏

抗疏归来卧小山，风霜不蚀逐臣颜。洞中伴侣瞿黄辈，物外逍遥鹿豕间。酒约诗盟寻白社，香炉茗虾付青鬟。莫云天上都无梦，闻道君王已赐环。

## 真率斋同人感赋<sup>②</sup>

咫尺龙光接<sup>③</sup>紫宸，天颜不复睹群臣。草深御辇迷巡辙，花落封章锁网尘。日历久虚闲太史，前薪迭积老行人。丁宁棘寺江廷

①光绪《桃源县志》卷十六也录此诗，题作“送张吉甫赴荆州考恩贡”，且全诗文字颇有差异，照抄如下：“武陵人自爱山川，流水桃花几岁年。宝册新崇尧母号，诏书老起伏生贤。章华台畔惊题赋，王粲楼前暂繫船。圣主久开三殿待，更应骑马入朝天。”

②光绪《桃源县志》卷十六也录此诗，题作“曾退如太史邀同胡正甫集真率斋感赋”。

③“接”，《桃源县志》作“隔”。

尉，只管张罗莫计春。

## 长安春日即事

中酒朝来只自由，三竿日上未梳头。健儿惯猎时调犬，童子相牵巧学牛。厌闹每寻闲境界，杜门自著小《春秋》<sup>①</sup>。时编野史。频年宦海风波阔，莫向通津错下钩。

## 中江县道

四围山霭散空濛，松桧萧萧紫翠重。慈竹叶浓难耐雨，蜀葵花老不禁风。渐看野旷中原似，更觉江流楚水同。回首剑门千里外，羊肠犹绕梦魂中。

527

## 巫山怀古

峡口东来水势危，悬崖怒石锁江湄。巫山十二图中现，蜀道三千镜里移。神女峰前云雨散，襄王梦后古今疑。却怜宋玉《高唐赋》，可抵祁招几字诗？

## 上大司马王霁翁公祖

重臣秉钺镇巴西，一扫蛮烟净鼓鼙。父子星旻辉入座，弟兄文献照三齐。九边旧有甘棠颂，全蜀今无战马嘶。料得前身是诸葛，纶巾时过浣花溪。

辕门午夜将星明，十丈朱旗闪锦城。三省封疆归节钺，百蛮

① “童子”至“春秋”三句，光绪《桃源县志》卷十六作“童子牵绳故学牛。避俗何须中世界，杜门且著小《春秋》”。

君长服威名。躬裁地理安屯堡，手挽天河洗甲兵。试向筹边楼上望，四郊歌舞答升平。

鹄印高悬映虎符，西南半壁仗撑扶。山河久按三川塞，鱼鸟时窥八阵图。春日花边频系马，午窗竹里自投壶。狼烟不警民安乐，幕府萧然一事无。

貔貅十万猛如虓，军令分明寂不谄。罗鬼何须烦绣斧？荆蛮争自贡包茅。召回蓺泽新哀雁，扫尽西南旧叛巢。莫道成都淹使节，端揆屈指李文饶。

（以上据嘉庆《常德文征》卷三十六）

### 宿漾备驢

秋色荒凉满四郊，空檐落日挂螭蛸。鼠偷邻果归贫屋，鹊拾枯枝补旧巢。野戍支更移庙鼓，园蔬带露佐官庖。风尘粗悟穷通理，时读包牺易一爻。

### 道中书怀

使轺出入总蛮方，迢递云山接混茫。洱海梨甜能降火，宾川橘熟未经霜。芙蓉老去知天冷，鸿雁不来怯路长。记得故园此时节，菊花酿就隔篱香。

### 大理署中即事

散曹事简故无营，了却爰书万境清。檻里猢猻间捕虱，笼中鹦鹉自呼名。齿牙笑我摇将落，霜鬓欺人摘更生。一自盈虚成悟后，胸中何处著陂平？

丁香花老亦堪怜，霜后还留数朵鲜。洱海白鱼长满尺，滇池紫蟹小如钱。寒衣照俗裁蛮锦，客被随方暖木绵。怕说衡阳无雁过，家书谁递到南天？

空斋短烛对匡床，孤枕难禁刻漏长。虫部苦吟蕉叶雨，蜂衙甜酿菊花糖。仕途蹭蹬怜颜驷，归路崎岖隔夜郎。遥忆故园沅水上，欲拏荷芰制衣裳。

天涯蹙蹙困征车，托迹榆城又月馀。方物但传牛舌墨，海鲜惟数竹钉鱼。市民交易多收贝，仕宦归来少贮书。赢得江山如米画，时时披览送居诸。

529

### 官监杨华峰邀同陈开毓台 刘侍御望海月夜集筹国堂纪事

中朝明德履遐方，尊俎叨陪借宠光。威净狼烽天似水，寒生豸斧月如霜。滇云在宥歌韩范，舆地纵横过汉唐。君国借筹深夜去，莫疑山简醉襄阳。

### 腊月二十四日江州作

疲马萧萧昆海滨，海风吹冷紫絨巾。救时但拟宽秦网，作史还思效左轲。残腊到头惟五日，他乡回首祇孤身。北窗寂坐浑无奈，留取梅花伴使臣。

### 壬寅元日

青皇一夜换年华，柏醕椒盘俗尚夸。山鬼浪传惊爆竹，僊童

自解插蛮花。莺调淑气低低语，柳受东风冉冉斜。最是艳阳好天气，马蹄欲去向谁家？

### 壬寅初夏忆家君

玉兔金乌早夜飞，在山远志出山违。空过一万八千日，所嗟四十九年非。怀探梦里生花笔，篋检天涯戏彩衣。太息高堂鸠杖处，白云翠竹绕柴扉。

### 黔国沐公将之太岳道经曲阳奉赠

530

朝来紫气袭襟裾，乍喜真人此驻车。南国久辞金鹄印，北辰新下玉芝书。祈灵默祷天王寿，礼斗虔通上帝居。可识名公原岳降，六丁随处护旌旆。

### 马伏波祠

雄祠俯瞰楚江滨，岁岁苹蘩荐楚民。蕙苳居然仇画虎，椒房从此隔图麟。五溪吹笛人何在？交趾标铜迹已陈。汉室兴亡逐流水，将军血食自千春。

### 僧慧秀遗诗

山中伏日汗成浆，才读新诗五内凉。笔底花如天女散，舌头莲似誌公香。经藏鹃血吴云杳，桨带猿声楚水长。洞口寻踪能见访，不因嗜酒薄柴桑。

### 乍归桃源暴雨水至

马蹄蹀躞遍遐陬，此日山房乍得<sup>①</sup>休。秦洞十年如绝域，楚天

① “乍得”，道光《桃源县志》卷十九作“得乍”。